

(৩)

আবাহনের গানে গানে
 বিশ্ব গেছে পূরে,
 তাই বুঝি গো কোকিলবালা,
 ডাক দিয়েছে সুরে ।

নদীর কূলে জলের ধারা
 তোমায় ডেকে ডেকে সারা,
 হিয়ায় বুঝি আসছে তুমি,
 নয়ক বহু দূরে ।

শ্রীতারাপদ চক্রবর্তী

প্রথম বর্ষ, বিজ্ঞান বিভাগ।

বিশ্বনিয়ন্তা

আমারে 'আর আমার মাঝে, রেখ নাকো ধরে' ,
 ওগো বিশ্ব-নিয়ন্তা,
 সকল কাজে আমায় তুমি জানাও দয়া করে'
 তোমার বিপুল ক্ষমতা ॥
 আমি, আমার ব'লে যে কাজ করি,
 অঁধার মাঝে ঘুরে মরি ;
 তুমি, আপন গুণে ক্ষমা করি',
 ছালাও বর্তিকা ।
 সেই আলোতে পালাক দূরে গর্ব, দীনতা ॥

ভুল-পথেতে যখন ওগো চল্‌ব বারে বারে;
ক'রো আমায় মানা ।

আকুল প্রাণে চাইব যখন দিয়ো দয়া ক'রে
তব, চরণ-ধূলি-কণা ॥

আমার পরাণেতে দাও গো শক্তি,
হৃদয়েতে পরম ভক্তি,

তুমি কাজের শেষে দিয়ো মুক্তি
যুচাও ক্ষুদ্রতা ।

সকল কাজে আমায় তুমি জানাও দয়া ক'রে,
তোমার বিপুল ক্ষমতা ॥

শ্রীপাঁচুগোপাল চট্টোপাধ্যায়
তৃতীয় বার্ষিক শ্রেণী ।

মা

যুগে যুগে কবি তোমার
গাইছে ওমা গান,
তবুও তোমা যায় না আঁকা,
ভরে না মোর প্রাণ ।

তুমি আমার জগৎ-জোড়া,
পরাণ মন নয়ন-যোড়া,
ভুবন মাঝে নাইকো জোড়া,
নাহিক ইথে আন ।